




Broj: 01/3-50-3-3-9/16
Veza: 01,02-50-19-850/16
Sarajevo, 19.4.2016.

**PARLAMENTARNA SKUPŠTINA BiH
PREDSTAVNIČKI DOM**



Na osnovu člana 32. stav (1), člana 46., Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br.79/14, 81/15 i 97/15), Komisija za vanjsku trgovinu i carine Predstavničkog doma je na 9. sjednici, održanoj 19.4.2016., razmatrala **Izvještaj o radu Vijeća ministara Bosne i Hercegovine za 2015. godinu**, te Predstavničkom domu dostavlja

MIŠLJENJE

o Izvještaju o radu Vijeća ministara Bosne i Hercegovine za 2015. godinu

Vijeće ministara BiH je na 48. sjednici, održanoj 15.3.2016., razmatralo i usvojilo **Izvještaj o radu Vijeća ministara BiH za 2015. godinu**, u kojem su sadržani pojedinačni izvještaji o radu ministarstava BiH, samostalnih upravnih organizacija BiH i tijela Vijeća ministara BiH, te 16.3.2016. dostavilo navedeni izvještaj Parlamentarnoj skupštini BiH na razmatranje.

Kolegij Predstavničkog doma je na 28. sjednici, održanoj 4.4.2016., odlučio da dostavi Izvještaj stalnim komisijama Doma i obaveže ih da svaka u okviru svoje nadležnosti razmotri aktivnosti određenih ministarstava i samostalnih upravnih organizacija, te Predstavničkom domu dostavi svoje mišljenje.

Postupajući po odluci Kolegija Doma i u skladu s nadležnostima propisanim članom 46. Poslovnika Doma, Komisija je razmatrala **Izvještaj o radu Vijeća ministara BiH za 2015. godinu** u dijelu koji se odnosi na rad:

- Ministarstva vanjske trgovine i ekonomskih odnosa BiH s upravnim organizacijama:
 - a) Uredom za veterinarstvo BiH,
 - b) Upravom BiH za zaštitu zdravlja bilja, i
 - c) Uredom za harmonizaciju i koordinaciju sistema plaćanja u poljoprivredi, ishrani i ruralnom razvoju BiH,
- te samostalne upravne organizacije - Agencije za sigurnost hrane BiH.

Predstavnici Ministarstva vanjske trgovine i ekonomskih odnosa BiH, Ureda za veterinarstvo BiH, Uprave BiH za zaštitu zdravlja bilja, Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju BiH i Agencije za sigurnost hrane BiH upoznali su prisutne i dali dodatna objašnjenja o aktivnostima i načinu realizacije programskih zadataka u okviru svoje nadležnosti.

Nakon rasprave, Komisija je u okviru svoje nadležnosti, sa pet glasova "za", jednim glasom "suzdržan" i bez glasova "protiv", prihvatila Izvještaj o radu Vijeća ministara BiH za 2015. godinu, te predlaže Predstavničkom domu da usvoji izvještaje:

1. Ministarstva vanjske trgovine i ekonomskih odnosa BiH, s upravnim organizacijama:
 - a) Uredom za veterinarstvo BiH,
 - b) Upravom BiH za zaštitu zdravlja bilja, i
 - c) Uredom za harmonizaciju i koordinaciju sistema plaćanja u poljoprivredi, ishrani i ruralnom razvoju BiH,
2. Agencije za sigurnost hrane BiH - samostalne upravne organizacije.

Komisija je takođe, sa sa pet glasova "za", jednim glasom "suzdržan" i bez glasova "protiv", usvojila zaključke, te njihovo usvajanje predlaže Predstavničkom domu:

-traži se od Vijeće ministara Bosne i Hercegovine da Komisiji dostavi informaciju o međunarodnim sporovima koji se protiv BiH vode u vezi sa zaštitom intelektualnog vlasništva,

-zadužuje se Ministarstvo vanjske trgovine i ekonomskih odnosa BiH da, zajedno sa Ministarstvom vanjskih poslova BiH razmotre mogućnost olakšavanja protoka ljudi, robe i usluga između država nastalih na teritoriji bivše Jugoslavije i

- traži se od Ministarstva vanjske trgovine i ekonomskih odnosa BiH da u narednom periodu, u saradnji sa Institutom za standardizaciju i Institutom za akreditiranje BiH posveti pažnju i uloži napore na donošenju cjelodržavne strategije razvoja kvaliteta u BiH kako bi se obezbijedila prohodnost robe (uvoz i izvoz) u skladu sa međunarodnim standardima.

PREDSTAVNIČKI DOM
BOSNE I HERCEGOVINE
PREDSJEDA VAJUĆI KOMISIJE
Šemsudin Mehmedović

